

1287 (1286) Febr. 23 Varlar.

[61

Der Edle Hermann von Lohn befundet, daß Theodericus dictus Riddere die Güter Degeninck, Kppl. Lohn, an das Kloster Varlar verkauft hat, und überträgt sie dem Kloster.

Nos Hermannus nobilis de Lohn omnibus praesentia visuris et audituris notum esse cupimus, quod Theodericus dictus Riddere de consensu uxoris suae Rekence, Everhardi, Eilardi, Gerardi, Agnetis et Wendelmodis liberorum suorum et cohaeredum et Everhardi, fratris Theoderici praedicti, mansum sive bona, quae dicuntur Degeninck, sita in parochia Lohn, cum lignis, agris, pasuis, pratis, rivis et omnibus eorum attinentiis et iuribus sive hominibus ad dicta bona pertinentibus rationabiliter vendidit legitime resignando domino Joanni praeposito et conventui ecclesiae Varlariensis pro XXX marcis et una marca Monasteriensis monetae, et quod praedicta bona, [quae] idem Theodericus et uxor sua et eorum liberi praenominati et idem Everhardus, frater saepedicti Theoderici, a nobis tenuerunt jure feudali, resignaverunt ea et quotquot juris habebant in eis, in manus nostras coniunctis manibus totaliter ab his in perpetuum recedentes. Quo facto nos requisitis et datis hinc inde sententiis praefata bona cum omnibus eorum attinentiis, ut superius notatum est, et proprietatem saepedictorum bonorum, quae jure proprietario nos contingebant, de consensu Gertrudis uxoris nostrae, Hermannii et Wicholdi liberorum nostrorum contulimus pro remedio animae nostrae venerabilibus viris domino Joanni praeposito et conventui dictae ecclesiae Varlarenensis et eorum successoribus jure proprietario perpetuo possidenda, sperantes nos eorum et successorum suorum beneficiis suffragari. In cuius testimonium sigillum nostrum praesentibus est appensum. Datum Varlare anno Domini M^oCC^oLXXX sexto, dominica Invocavit, praesentibus et protestantibus domino Luberto decano et Henrico socio suo, sacerdotibus in Nienborg; domino Theoderico de Loyre, Henrico de Capele, Henrico Wether ¹⁾ et Joanne de Cossveldt militibus; Henrico de Dippenbruke, Mattheo filio Erponis, Theoderico de Grollo, Hermanno de Brockhues, Joanne de Heck, Bertoldo de Wechpchusen, Joanne Fletinck, Wescelo Vriedagh, Arnolde Schoke, Alberto Ungehopp et Wilhelmo de Holte famulis.

Kopie im Varlarer Kopiar S. 53. — Vergl. die folgende Urkunde.